



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Angelo Abatti Et conventui sancti Alexij de Vrbe.

**urn:nbn:de:hbz:466:1-20020**

stitutibus & beatæ Mariæ ac Apostolorum necnon diebus dominicis non admittetur quispiam ad divina, nisi infirmi tantummodo ibidem manentes, & servientes eorum. In privatis vero diebus, si quis in ea divina ex devotione audire voluerit, non vetetur. Præterea si quando tu vel officiales tui Ecclesiam sancti Germani supposueritis interdicto, in eadem Capella celebrabitur voce submissa, clausis januis, non pulsatis campanis, & nullo admisso nisi pauperibus & infirmis & servientibus eorumdem. Ceterum si forsitan terra domini Castris Radulphi interdicto supposita generaliter fuerit, in Ecclesia sancti Stephani submissa voce, clausis januis, & non pulsatis campanis, celebribuntur divina; dummodo interdictum illud in aliis dubiis Ecclesiis, videlicet sancti Germani & sanctæ Mariæ parvæ, facias observari. De questionibus vero ad invicem motis super his que sunt extra burgum taliter est provisum, ut Capellani Ecclesiarum quarum ad monasterium jus pertinet patronatus, omnia mobilia sive immobilia specialiter sibi legata integre sine percundatione percipient, & Piores faciant illud idem de his que sibi specialiter legabuntur. Illud autem quod legatum fuerit Ecclesiae, ac determinatum extiterit ad usum aliquem, ut potest ad fabricam, luminare, vel hujusmodi, usi illi cedet; si vero simpliciter Ecclesiae legatum fuerit, inter Priorem & Capellanum æqualiter dividetur. In Ecclesia vero illa in qua Prior non residet, in usum capellanie convertetur totaliter, nisi fuerit specialiter Priori legatum. Bona quoque Capellanorum decadentium per Ecclesiis acquista penes capellanias, sive considerint testamentum, sive intestati deceperint, remanebunt. Determinari etiam debet quid ad Capellanum & quid ad Priorem pertineat, ac super hoc scriptum authenticum fieri, quod tuo sigillo signabitur & Abbat. Et si forsitan inter Priorem & Capellanum super jure capellanie vel Ecclesiarum proventibus temporalibus quæstio aliqua oriatur, Prior coram Abbatore, Capellanus vero in tua vel officialium tuorum curia respondebit. Porro Capellæ beatæ Mariae de Cuslenc major Capellanus, qui est de Praa, a te totam curam recipiet, & onus illius pariter sustinebit, ac officiabit eandem vel officiati faciet per idoneum sacerdotem, ita quod cultus divini nominis ibidem nullatenus minuetur; & illius Vicarius præstito juramento promittere se tua jura & sententias ser-

vaturum. Insuper domus de Chamin de Cloys, cum illa de Perer Crocet ac illa de Cloys & quolibet alio jure suo, tibi liberè remanebit. Domum etiam de Oblinquo, quæ in cimiterio dicitur esse construta, voluntati & provisioni Abbatis & ejusdem loci Prioris relinques, nec ipsum Priorum super eadem per te vel aliquem ministrorum tuorum de cetero molestabis. Ad haec autem est renuntiatum hinc inde qui buslibet privilegii & indulgentiæ utrinque super præmissis omnibus a sede apostolica impetratis; & nos ipsa, quantum ad præmissa omnia, viribus carere decernimus. Salva tamen temporali jurisdictione Abbatis in omnibus quæ infra cruces burgi consistunt. Ut igitur haec nostra proilio robur perpetua obtineat firmitatis, ipsam auctoritate apostolica confirmamus & praesentis scripti patrocinio communimus. Decernimus ergo &c. usque incursum. Datum Laterani xvi i. Kal. Iulij, pontificatus nostri anno quintodecimo,

*ARCHIEPISCOPO BITVRICENSIS,  
& Episcopo Lemovicensi, & Abbatu Dala-  
lonensi Cisterciensis ordinis Lemovicensis dia-  
cessis.*

**D**iligenter auditis & perspicaciter intellectis quæ coram nobis proposta sunt à partibus super duabus electionibus in Tutellensi monasterio celebratis, & delegatorum processu, qui unam castantes, aliam confirmarunt, pensatis nihilominus natura & qualitate negotijs, quibus potius duximus inherendum, ipsorum delegatorum sententiam ratam habentes, per apostolica vobis scripta mandamus quatinus eam auctoritate nostra faciat inviolabiliter observari, contradictores, si qui fuerint, vel rebeles per cenitram ecclesiasticam appellatione postposita compescendo. Nullis litteris veritati & justitiae præjudicantibus a sede apostolica impetratis. Quod si non omnes &c. duo vestrum &c. Datum Laterani Idibus Iunij, pontificatus nostri anno decimoquinto.

*ANGELO ABBATI ET  
conventu sancti Alexij de Urbe.*

**C**oram dilecto filio nostro Petro tituli sanctæ Cæcilia Presbytero Cardinale, quem syndico Ecclesia sanctæ Priscae ac yconomy monasterij vestri concessimus auditorem, idem syndicus nomine Ecclesia sanctæ Priscae omnes vineas in monte Aventino positas, quas idem monasterium possidebat, ab yconomy ipso petebat,

NNn uj

*Epist. 117.  
De electione  
Abbatis Tutel-  
ensis.*

*Epist. 118.  
Confirmatio il-  
lis vineas mo-  
nus Aventinus.*

## 654 Epistolarum Innocentij III.

quas pertinere ad Ecclesiam sanctæ Priscae per instrumenta donationum Philippi & Epiphani ostendere nitebatur. Verum pars vestra respondens dictas vineas juris esse monasterij sancti Alexij, prout per instrumenta donationis Eufimiani, cuius donatio praedicatorum Philippi & Epiphani donationem tempore longo præcesserat, liquidò apparebat, possessionem insuper longissimam allegabat, quam per instrumenta locationum & privilegia Pontificum Romanorum & testes plurimos manifeste probavit. His igitur nobis per Cardinalem eundem fideliter explicatis, nos visis & auditis instrumentis ac confessionibus utriusque partis, & attestationibus & allegationibus intellectis, de fratribus nostrorum consilio yconomum veltrum nomine ipsius monasterij ab impetione syndici sanctæ Priscae super dictis vineis sententia liter duximus absolvendum. Nulli ergo &c. distinctionis &c. usque incursum. Datum Laterani Idibus Junij, pontificatus nostri anno decimoquinto.

### MAGISTRO ET FRATIBUS militie templi.

*Epist. 129.  
De violentia  
maiorum injec-  
tione in Cle-  
ricos.*

**E**A quæ pro defensione nominis Christiani sustinetis discrimina nos inducunt ut vos & ordinem vestrum favore continuo prosequentes, quieti vestrae propensius intendamus, & studeamus auferre vobis materiam gravaminis & laboris. Hinc est quod vobis auctoritate præsentium indulgemus ut si qui è fratribus vestris in se invicem, sive in alios religiosos quoilibet, seu etiam in Clericos séculares manus micerint violentas, per diocesanos Episcopos absolutionis beneficiū asséquantur, etiam si eorum aliqui prius quam habitum vestrum susciperent tale aliquid commiserint propter quod ipso actu excommunicationis sententiam incurrisserint; nisi excessus ipsorum esset difficilis & enormis, ut potest esset ad mutilationem membra vel sanguinis effusionem processum, aut violenta manus in Episcopum vel Abbatem injecta, cum excessus tales & similes sine scandlo nequeant præteriri. Nulli ergo &c. concessionis &c. usque incursum. Datum Signiæ x. Kalend. Iulij, pontificatus nostri anno decimoquinto.

### BITVRICENSI ARCHIEPISCOPO.

*Epist. 130.  
Adversus Ar-  
chiepiscopum  
Burdegale-  
num.*

**D**iligenter auditis & perspicaciter intellectis quæ tu & dilectus filius magister Amaneus procurator venerabilis fratris nostri Burdegalensis Archiepiscopi co-

ram nobis proponere voluisti super sententia quam auctoritate primatæ in eundem Archiepiscopum promulgasti, suspendendo ipsum ab officio metropoliticæ dignitatis pro eo quod ad tuum vocatus Concilium accedere non curavit nec pro se aliquem idoneum destinare, de communis fratrum nostrorum consilio sententiam ipsam ratam habuimus & usque ad satisfactionem idoneam præcepimus obseruan; hoc ad cautelam expresso, quod lis coram nobis non de primatia, sed de sententia, exitit ventilata. Credentes igitur ad satisfactiōnēm sufficere competentem pro prædicta sententia relaxanda ut memoratus Archiepiscopus per se ipsum aut alium virum idoneum ad tuam accedat prælati, relaxationem ejusdem sententiae humiliiter petiturus, & promissurus firmiter sub suarum, si necesse fuerit, testimonia litterarum quod ad tuum Concilium vocatus accedit, futurus quod de jure fuerit faciendum, fraternitati tue per apostolica scripta mandamus quatinus cum ab eo fueris taliter requisitus, sententiam ipsam non differas relaxare; nullam ei pecuniam infligens, si forte ipsam sententiam non servabit, antequam per nos fuerit declaratum an eadem esset sententia observanda, cum hoc apostolice providentia duxerimus reservandum. Alioquin venerabili fratri nostro Turonensi Archiepiscopo & dilectis filiis Decano & Subdecano Picavensis dedimus in mandatis ut illam appellatione remota relaxent absque prejudicio juris tui. Datum Signiæ v. Idus Iulij, pontificatus nostri anno decimoquinto.

*Scriptum est super hoc eisdem in eundem modum usque duxerimus reservandum. Quocirca discretioni vestrae per apostolica scripta mandamus quatinus si dictus Archiepiscopus mandatum nostrum neglexerit adimplere, vos illam appellatione postposita relaxetis absque præjudicio juris Archiepiscopi memorati. Quod si non omnes &c. tu ea, frater Archiepiscope, cum eorum altero &c.*

### FRATIBUS IEROSOLYMITANI hospitales & militie templi in Remensi dioceſi conſtitutis.

**R**eligionis intuitu, & etiam devotio nis obtenuit quam circa nos geritis, vos & domos vestras sincera caritate diligimus. Sed quantumcumque vos diligamus & prompta vobis velimus benignitate deferre, sustinere non possumus nec debemus ut si quid interduim contra Deum &